

Lazkao Etxe

(Lazkatxe)



AZURMENDI AMUNDARAIN familia

LAZKATXE Aiestaran Erreka auzoko baserria da, Lazkaoko lursailetan, egon, dagoen arren. Izena ere, hortik datorkio: Lazkao etxe. Bere inguruko baso eta zelaiei izenen artean dauzkagu: *Otarizarre*, *Gaztainari zulo*, *Txertaka soro*, *Soro haundi*, *Koarre*, *Eztilegi*, *Urtzaku* eta *Amezti*.

Lazkatzekoen izengoitia *Barberok* da.

Baserria *Arkaka* bidean dago. Oinez herriko plazatik berrogei minutura dago. Beasaingo Fabrika Handira berriz, ordubete inguruan egiten zuten. Auzoko bidea 1958an egin zutelakoan dira, auzoko beste batzuk bezala.

Etxejabeak dira 1930az geroztik eta 1960an berrikuntza handiak egin zituzten.

1924an ezkondu ziren Frantziska Ezeiza Albizturko *Alkortaene* baserriko alaba eta Frantzisko Amundarain, bertako semea.

1947an berriz, ezkondu ziren Joanita Amundarain, *Lazkatzekoa*, eta Joxe Luix Azurmendi, Zaldibiko *Unanita* baserrikoa. Zaldibin ezkondu, otordua Estanko jatetxean egin eta handik ezkontza-bidaia Iruñera egin zuten. Ezkondu zirenean, *Lazkatxen* jarri ziren bizitzen eta bertan ziren, artean, aita-amak eta bi osaba-izeba.

Pasadizoak

Abildadea

Joxe Luix gazte zenean, 1936-1940 inguruan, Zaldibiko festetan harri-jasotzaile ekitaldia antolatu omen zuten herriko agintariek eta frontoian dena prestatuta utzita, bazkaltzera joanak omen ziren denak. Lanetik etxera zetozela zaldibitar batzuk, tartean Joxe Luix, frontoira inguratu omen ziren arratsalderako zer zegoen ikustera. Harriak ikusita, probatu egin nahi eta, Joxe Luixek instante batean jaso izango zuen lepora. Norbaitek hura ikusi eta antolatzaileek bertan behera utzi omen zuten ekitaldia, harri hura jasotzeko Zaldibin abildadea zuen gizonik bazegoelako.

Informazio emaila:
Juan Amundarain

Joxe Luix Azurmendi eta Joanita Amundarain, ezkontza egunean. 1947

AMUNDARAIN EZEIZA familia. 1977
Joanita, Maria, Felipa, Joan, Josune Urkola, Pako, Joana Amundarain, Joxe Martin, Ramona.

AZURMENDI AMUNDARAIN familia. 1977
Ramona, Joxe Luix Azurmendi (aita), Josune Urkola, Pako / Jabier, Joanita (ama) eta Hilario.



AMUNDARAIN EZEIZA familia.
1924
Frantzisko Amundarain
eta Frantziska Ezeiza.

